

## Neländä Uma Pido lavastaja om Kristo Toots

**Neländät Umma Pito nakkas lava pääle säädma Põlvast peri vabakutsõlinõ näütlejä ja lavastaja Kristo Toots. Tä valiti vällä teno timä kotussõpäälidse keele ja kultuuri tundmisõlõ ja soovilõ haarda' miiskunda umakandirahvast.**

Uma Pido om Tootsi jaos tähtsä välläkutsõ: „Mu jaos om saanu kõrrast tähtsämbäs tetä midägi ka säääl, kost ma peri olõ. Uma Pido kõnõlõs tähtsist asjust – umast keelest ja kultuurist – ja seokõrdnõ pido teema – mõts ja väelise' puu' kõnõtas minno isikligult.“ Umas tugõvusõs pidä Toots miiskunnatüüd. Varatsõmbin tiatritõien om Toots tennü pall'o latsilõ ja nuurilõ – nuuruslikkus ja perrätulõva põlvõ pääle mõtlõminõ oma ka Uma Pido jaos tähtsä.

Kristo Toots om lõpõtanu Põlva keskkooli 1995. aastagal ja Eesti Humanitaarinstituudi tiatriopitooli 2001. aastagal. Tä om parla vabakutsõlinõ näütlejä ja lavastaja ja om ossa võtnu pall'odõst tiatriprojektest. Toots om 2007. aastagal luud MTÜ Miksteatri üts asotajist. Seo projektitiatri tege noorõlõ kaejalõ mõtõld tiatrit ja vii tuud üle Eesti kuulõhe ja muialõ.

Lavastajakonkursilõ tull' neli kandidaati. „Ollimi peris keerolidsõn olokõrran,“ ütël' valikukomisjoni tüün ütten lõõnõ Helje Põvvat Põlva maavalitsusõst, „kõik kandidaadi' paksõva' vällä uma põnõva tii, midä müüdä Uma Pido seokõrd minnä' võissi. Mul om hää miil, et saami komisjoni otsussõl astu taad tiid ütten Põlvast peri lavastajaga.“

Neläs Uma Pido tulõ 28. mail 2016. Seo om terve vana Võromaa ja timä katsa kihlkunna rahva umakeeline laulupido, kon lauldõn tuntas rõõmu uma rikka kultuuriperändüse ja ummamuudu ilmakaemise üle.

Teedüst saa mano:  
Triinu Ojar  
Uma Pido vidäjä  
Võro Selts VKKF  
tel 533 22 153  
triinu.ojar@wi.werro.ee  
[www.umapido.ee](http://www.umapido.ee)